



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

14. Dies Janvarii. O Beata solitudo! o sola Beatitudo! S. Romaldus.

Nutzungsbedingungen

[urn:nbn:de:hbz:466:1-55659](#)

14. DIES JANVARII.

○ Beata solitudo ! ○ sola Beatitudo
S. Romualdus.

Solitudi- I.
 nis com-
 menda-
 tio.

Si tibi hunc Sacrum quem suadet
 secessum, non persuaserint Mun-
 di miseriæ, ad eum vel invitum in-
 vitabunt solitudinis delitiæ. Quia
 potest deesse delitiarum homini, cum illic adest cu-
 jus delitiæ sunt esse cum filiis hominum? Verè ergo
 beata Solitudo, ubi sola est Beatitudo. Ejus abscon-
 ditos thesauros oculis expono. Tu illos aspice, inspi-
 ce, & inspectos luspice. Solitudo est tempestatum
 omnium portus; quem qui fugit, quid superest qua-
 ut portu careat, volvatur rerum pelago, vivat in sco-
 pulis, moriatur in fluctibus! O vita melior supra om-
 nes vitas! vita laborum vacua, meritorum plena, ul-
 expectatur salus, portatur suave jugum Domini, te-
 cetur, & sedetur, & sedendo consurgitur, Vita refor-
 matrix animæ, reparatrix morum, palæstra luctan-
 tum, arena currentium, campus pugnantium, ar-
 cus triumphantium, legentium Bibliotheca, indi-
 gentium apotheca, meditantium cella, orantium
 penetrale. Illic quæ voluntas! cogitare, vel spreta
 mundi delicias, vel contemptos honores, vel ben-
 sparsas divitias, vel despectas voluptates, vel negle-
 citas minas, vel calcatam calamitatem. Ibi solus cum
 solo Deo, latè præsentibus utitur, & futura æqua-
 nim.

Januar.

Tessera.

35

nimiter expectat ; non pendet in crastinum ; nihil in posterum differt , quod hodie fieri possit , aut debeat; id omnibus modis agens, ne datum tempus, cui neque stimulus addere vult , neque frœnum potest , inutiliter effluat.

II. Itaque sive consilium est servire Deo , quæ una est libertas & sola felicitas , sive ingenium excollere bonis artibus , sive animum imbuere raris virtutibus , sive vitam expolire probis moribus , sive aliquid meditando , & scribendo nostram memoriā relinquerre posteritati , atque ita dierum fugam sistere , & hoc brevissimum vitæ tempus extendere , paucorum dierum inducias à nobis impetremus , & à futilibus curas , quæ nos obsident , atque circumsonant , animum seducamus . Quapropter relinque urbem mercatoribus , advocatis , proxenetis , fæneratoribus , publicanis , tabellionibus , unguentariis , lanionibus , cocis , pistoribus , sartoribus , lenonibus , parasitis , circumscriptoribus , ac scurris , edacibus odorem fori vigilinare captantibus , qui illi inhiant . Illi semper pendeant , ac volvantur , tu ad petram pressis vestigiis insiste ; illi semper hæreant , tu progredere . Illi semper dubii consultent , tu tandem salutare consilium exequere : denique fugientem mundum amplexentur , teneantque si possint , tu Deum , & quære dum inveniri potest , & invoca dum propè est , quin & dum corpus tuum peregrinatur ab urbe , peregrinetur & animus à corpore .

III. Vis ad hæc quæ dixi auctoritatis pondus

C 2

adjici?

adjici? (a) *Solitudo est possessio Dei. Solitarius est form
terrestris Angeli. Solitudo est ambulatorium Dei. Soli
tarus quasi quidam novus Paradisi colonus. Solitudo e
curia cœlestium Senatorum.* Placet suspicere , quæ
altè ascendat, & quo assurgat? Audi Prophetam: (b)
*Sedebit solitarius, & tacebit: quia levavit super se. Vidi
solitarium levari super se , hoc est inter homines ma
jorem fieri homine , nullis & sic licet vitæ hujus calam
itatibus tangi , nullis vexari molestiis , nullis infortu
niorum turbinibus agitari , eo planè modo , quæ
montis Olympi vertex adeò se altè extollit , ut null
ventorū ac tempestatum impetu quatatur. Dic e
go cum Hieronymo (c) *Habeat sibi Roma suostum
bus, arena sœviat, circus insaniat, theatra luxurient, nol
adhaerere Deo bonum est, & ponere in Domino spem n
stram.* Obsignet hoc solidinis elogium D. Cypria
testimonium. (d) *Una igitur placida, & fida tranqui
litas, una solida & firma securitas, si quis ab his inqui
tantis sæculi turbinibus extractus, salutaris portus statu
ne fundetur, ad calum oculos tollat à terris, & ad Dom
num unus admissus , ac Deo suo mente jam proximu
quidquid apud cæteros in rebus humanis sublime, ac mu
gnum videtur, intra suam jacere conscientiam glorieta
Nihil appetere, jam nihil desiderare de sæculo potest , q
sæculo major est. Tu igitur qui es hæres cæli , ut sister
a major, & in terra te cælo inferas, ab eorum te com
mercio segregas , qui nil nisi terrena sapiunt , memo
illius metri ,**

A re terrena procedunt mille venena.

15. DIE

(a) *Philo. Quis recur. Climac. gra. 27. Petr. Celler.
I. 4. Ep. 2. (b) Jerem. Thren. 3. (c) Hieron. Epist. 4
Basil. de laud. Erem. (d) L. 2. Ep. 7. Epist. ad Donat.*